

**NAMIBIA SENIOR SECONDARY CERTIFICATE**

**FIRST LANGUAGE SILOZI ORDINARY LEVEL**

**4111/1**

PAPER 1 Reading and Directed Writing

2 hours 30 minutes

Marks 70

**2018**

Additional Material: Answer Book

**INSTRUCTIONS AND INFORMATION TO CANDIDATES**

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

**LITAELO NI LITABA ZEÑWI KWABATATUBIWA**

- Ñola likalabo mwabuka yofilwe yaKualabela.
- Ñola nombolo yasibaka sakuñolela, nombolo yakuba Mutatubiwa ni Libizo lahao mwasibaka sakuñolela sesifilwe fabuka yaKualabela.
- Ñola kasiñoliso sandilu kapa bunsu.
- U sisebelisi siñoliso kapa lingongwe lelitakula.
- Alaba lipuzo **kaufela**.
- Tokomela hahulu peletelo, sebeliso yamaswayo akubala ni pupo ya lipulelo.
- Nombolo yalinepo ibeilwe mwasakana [ ] kwamafelelezo apuzo ni puzo kapa kalulo yapuzo.

This document consists of **6** printed pages and **2** blank pages.



Republic of Namibia

**MINISTRY OF EDUCATION, ARTS AND CULTURE**

## KALULO A

Bala likandenyana le katokomelo mi kasamulaho u alabe lipuzo ze tatama.

### Likandenyana 1

#### Yomuñwi wabamati ba South Africa yafa susuezo

Natalie Du Toit na pepilwe ni talenta yalipapali kacwalo tolo yahae neli kuitenga mwalikwinano zaOlympics kuzwelela kwabwanana bwahae. Kuzibahala kwahae mwabumati kutatekile kasilimo sa 1998, hayoyemela naha yahabo ya South Africa mwalipapali za Common wealth hanana ni lilimo zelishumi kazene.

Kasamulaho alilimo zetalu, tolo yaNatalie yalipapali zaOlympic neibatile kufela bakeñisa kupumwa lihutu faliñwele bakeñisa simesha. Nihakulicwalo, simesha sipalezwi kukuyula milelo yahae. Ni hana fumana likalafo mwasipatela, mutapi wakale walilimo zelishumi kazesupile, u palezwi kusiya tolo yahae.

“Bashemi ni balikani ba ka neba zwelapili kubulela kuli nihane ni tundana fabulobalo, nenilukela kuzwelapili kuitukiseza, kakuli litiko zalipapali zaOlympics nelisutelela,” a hupula.

Du Toit na sika lumelela mayemo akupumeha lihutu kuyemisa milelo yahae bakeñisa takazo yanana ni yona. “Ne nihupula kutapa kono neli taba yenesabisa bakeñisa kuba ni lihutu lililiñwi,” Natalie a hupula. “Na kutela mwamubamba wakwinano mi ni hupula haniteula banana kaufela babahulu kuna. Foo, neseli na yomuhulu yoo banana kaufela nebateula, cwale nenitabezi kufita kwapata hape mi ki seo neni ezize.” Kasamulaho alikweli zalitukiso akutela mwalikwinano. A to ba wa bulishumi kawabusilela mwahalaa batu ba mashumi amabeli kababane ili mwapapali yakutapa libima zelikiti zelishumi (100 000m) mi akutela mwanaha yahabo yaSouth Africa inge aswabile.

Na fumani tukelo yakuitenga mwakwinano yamafelelezo yalibima zemyanda yelobapeli (800m) kasilimo sa 2002 ili za Common wealth. Ye neli taba yapili mwalitaba zakale moo mutu yapumehile lihutu kuitenga mwalipapali zamafelelezo zakwinano yakutapa yalifasi zabatu ba ba sina buyanga ni buhole mibili, kwamafelelezo alipapali nafilwe mupuzo wakutapa kakuzwa mubano kiba David Dixon Award.

Kasilimo sa 2004, kasamulaho asimesha, na ikwinezi limendulu zagauda zeketalizoho kwalipapali zababana ni Buyanga ni Buhole mwanaha Greece. Kasamulaho akufumana tukelo yakuitenga mwalipapali zaOlympics zabatu ba ba sina buyanga ni buhole ili zeneezahalela kwa Beijing. Kasilimo sa 2008, alemuha muhupulo wahae wamafelelezo kuitenga mwakwinano ni batu ba basina Buyanga ni Buhole kuba ni tukelo yakuitenga mwalipapali zaOlympics neli yeneliyeñwi yalinako zeo mutu nakona kulila kakuli nekuswana inge yapahami lilundu lelitelele hahulu mwalifasi la Everest,” kubulela Du Toit.

“Ku utwahala inge ki mafelelezo alifasi,” a ekeza.

Za fumani kabuñwi lifetuzi Natalie Du Toit kuba mususuezi wababañata wanaha yaSouth Africa ni kwandaa yona. Kwa batu bapili kulemuha misebezi yahae neli mueteleli wapili wanaha South Africa, Nelson Mandela, cwale yayolile bueteleli ili Thabo Mbeki na mubabalize kasusuezo yahae kwasicaba. Mutapi yanani tundamo ni buitomboli na zibahezi kuba wabatu babutokwa kwa mipuzo yaLaureus, “kufelisa ketululo mwahalaa lipapali zaliyanga ni batu ba ba sina Buyanga ni Buhole”.

Kanako Du Toit hana itukiseza lipapali zamwaLondon ka 2012, ubulela kuli ukayobapala lamafelelezo mwaponahalo yalipapali zalifasi. Nihaike inge naitukiseza kutuhela musebezi, hasika tokwa milelo. U lelile kufumana tukelo mwalipapali zaOlympics mi hape utabela kuba

ni tulo mwalipapali kaufela zabatu babana ni Buyanga ni Buhole “kufeleleza kamuhuwo wanyakalalo.” Hana saitukiseza, Natalie naitenganga mwamisebezi yatuto, kuitenga mwamilelo yakufukuza litaba zakutiba mwalilalanda zemwalikalulo zekwatasi mwanaha yaSouth Africa.

“Ni fitile fakulemuha butokwa bwa kuikabela zibo mi kinto yenikazwelapili kueza mwabupilo bwaka kaufela kubona babanca inge ba tapa sina maticele babona mo babalutela kutapa,” kubulela Du Toit. “Kiona butokwa bwakufana mañusa ni kuli batu baange ni kuasebelisa kazazi”.

Kamukwaocwalo, ki yazwile mubano kwabatu babapila ka Buyanga ni Buhole mwaSouth Africa mi ki sisupo sabutokwa, mwalitaba zakale zalipapali.

(© Cook, M.J.)

1 Alaba lipuzo 1 (a) kuisa ku (c) kakuñola feela nombolo yapuzo ni taku yakalabo yeo uketile: kamutala (a) A.

(a) Ne kusabonisi kwamakalelo kuli ukapeta litolo zahae kakuli

A na bile ni kolofalo yetuna.

B na sahilile hahulu kuli abe mwakwinano.

C na sikaba ni tukiso yefñata.

D na sika fumana tuso kwalubasi lwahae.

[1]

(b) Ki kabakalañi silimo sa 2008, hane sili sabutokwa ku Natalie?

A Aba ni tukelo mwalipapali zaCommon wealth.

B Aba ni tukelo yakuitenga mwalipapali zaOlympics zesi zabuhole.

C Na fitile kwakwinano yamafelelezo yalipapali zaOlympics.

D Na winile limendulu zeketalizoho mwakwinano yalifasi.

[1]

(c) Misebezi ya Natalie yakukopanya lipapali neizibahezi hana

A na filwe kuetelela musebezi wanaha.

B na filwe musebezi mwamubuso.

C na filwe mupuzo wasimubuso.

D na memilwe kuyopotela muzamaisi wanaha.

[1]

(d) Talusa pulelo yekuzwelela mwalikande “kufeleleza kamuhupulo wanyakalalo”. Ufe mabaka **amabeli**.

[2]

(e) Ki kabakalañi Natalie hanabapanya keto yakuba mwakwinano yaOlympics ni kupahama lilundu laEverest?

[1]

(f) U kete ni kutalusa kamibamba yemibeli yasebelisize muñoli kunitifaza tundamo yabucaziba bwa Natalie.

[4]

[10]

- 2** U nanimulikani yo aeza hande kuyeñwi yalipapali, kono kamapalelwi amañwi sabata kuzwafa mwalipapali. U sebelise milelo ni mabaka amwalikande laNatalie mi uñole liñolo kususueza mulikanaahao kuzwelapili ni musebezi walipapali.

Ñola manzwi amwahalaa **200 – 250**.

**[20]**

## KALULO B

Bale likande le katokomelo mi kasamulaho u alabe lipuzo ze tatama.

### Likandenyana 2

#### Mutu yomunsu Ki wabutokwa

Wilma Rudolph napilile kuzwa silimo sa 1940 kuisa 1994 mi nangiwa kuba musali yana mata lubilo loluzielize mwalilimo za 1960, mi neli yena musali wapili mwaAmerica kuikwinela mishukwe yalimendulu zetalu zagauda zakumata kakupotoloha libapalelo ni zamwahalaa libapalelo kwalipapali zaOlympics za 1960. Neli silimo sapili lipapali zaOlympics kuboniswa famazimumwangala, ili taba yetusize Wilma kuba naleli yalifasi. U zibahezi kuba “Mutu yomunsu wabutokwa” kwalipapali zaOlympics zasilimo sa 1960 zeneezahalelela mwanaha yaRome.

Wilma ukutekeha katompo yakunanula lipapali zabasali zakumata kapa kubonahala kwabasali mwalipapali mwanaha ya United States. Hape na zibahala kakuba muyemeli walitaba zasicaba mi nangeha kuba mutateki waliswanelo zabatu ni basali.

Wilma uhulile kakukoma lisitataliso zeñata. Wilma nasika pepwa kakweli yahae yeswanela, kono kalibaka lasialuluti samubala kanako yeo, Wilma ni bomahe nebahanezwi mwalipatela zafakaufi. Balubasi nebasakoni litifo zañaka yanaliteni, kacwalo Wilma nababalezwi kamakete ki bomahe ni lubasi.

Kwabwanana bwahae Wilma ayambukelwa ki matuku amifutafuta kmt: muukwaukwani, makilihani, libelenge ni butuku bwamaswafu. Hakwaniseze lilimo zene ayambula butuku bwaluñañali bonebutisizwe ki kokwani yaliweyawe. Ni hana folile kwabutuku boo, natinanga kasambo kwanumbu ni lihutu lanzohoto kuli azamaye hande.

“Ñaka waka nani bulelezi kuli hanina kuzamaya ni kamuta. Bome nebanibulelezi kuli ni kazamaya. Ne ni lumezi bome.”

Lubasi lwa Wilma neluli lolulilato ni pabalelo, bomahe neba muisanga kwasipatela sesili libima zemashumi aketalizoho habeli kabiki, kalilimo zepeli kufitela akona kuzamaya kusina tusambo. Liñaka neli lutile Blanche likalafo zakumatafaza mubili kutusa Wilma.

Hasana ni lilimo zelishumi kazepeli, Wilma aba ni maata hape mi akona kuzamaya kusina tuso yalisebeliso zalikalafa. A itombola kubeela butuku bwahae kwamulaho ni kutalimela kwatolo yahae ya kuba mumati. Akena mwasikwata sabasketball sa fasikolo mi alemuhiwa ki ticele walipapali zakupotoloha ni zamwahali alibapalelo. Kanako yanasana ni lilimo zelishumi kazesilezi (16), lilimo zene kuzwa afolelela kwabutuku bwahae bwaluñañali. Wilma afumana sibaka mwalipapali za US zakupotoloha ni zamwahaala libapalelo ka 1956, moo na ikwinezi mendulu yabronze Mwalipapali zaOlympics za 1960, Wilma aba “naleli wamusali walubilo loluzielize mwalitaba zakale zakumata.”

Kasamulaho atulo yana sika iteekela, Wilma akutela habo kwa Tennessee mi ayofumana kuli Mubusisi wasikiliti na lukisize mukiti wakamuhelo yahae. Wilma na hanile kuya kwamukiti woo bakeñisa kuli nautalima kuba wasialuluti. Kasamulaho añañoleho yakumuezeza mukiti anosi, kwaezwa mukitiwa malyalya wakukopanya sicaba mi wabonahala kuba wapili ni kusepahala mwatolopo yahabo ya Clarksville. A zwelapili ni ñoñoleho yahae mwatolopo kufitela milelo yaketululo haifeliswa.

Wilma asiya musebezi wakwinano yakumata ka 1962 mi akutela kwasikolo kuyofumana tuto yepahami ya Bachelor’s degree fasikolo salituto zepahami sa Tennessee State University koo naizo wina litifo zetezi zamuituti. A yosebeza inge ili ticele ni yaluta lipapali zakumata zakupotoloha.

“Maikuto akufeleleza azamaile hande kuna, limendulu zaOlympic zetalu zagauda. Neniziba kuli se hakuna yakona kuniamuha sona, ni kamuta.”

“Ki kwabutokwa kuna kusebeza ni babanca. Nisepa kufumana ni kueza bazamaisi babalikani. Ni na ni tumelo yakuli nto yabutokwa mwabupilo bwaka neli kusebeza ni babanca. Neli tolo yaka kukala tukiso yamusebezi, kakumata, kuzwisezapili tuto”.

Kuzibahala hahulu kwa Wilma kutisize tokwahalo kwabasali mwalipapali zaOlympics sihulu mwalipapali zakupotoloha libapalelo ni zamwahala libapalelo. Na susuelize masika abasali mwalipapali zakumata, sihulu basali bamayemo akwatasi, babacwale ka Florence Griffith Joyner, yana talimani ni ketululo yakumupaleliswa kutazeleza litolo zahae.

Kasumulaho alifu lahae ka 1994, batu babañata balika katata kutompa tulo yahae. Kacenu sikwata salipapali sa Women’s Sports Foundation sitahisa tumbo yamukwa wa “Wilma Rudolph Courage Award” kwabasali babana ni ciseho mwakuluta mayemo maswe aba ipumana kuona. Siswaniso sasisusumo sesinde sabronze samayemo asibupeho sahae hana sapila si yemi fahalaa tolopo yahabo ya Clarksville.

“Usike wanyazeleza maata alitolo ni susumezo yamoya wabuntu. Luhamoho mwatumelo ye. Butuna bwakukona bupila kuluna kaufela.”

(© wikipedia)

- 3 Ñola kakubapisa zeswana mwahalaa Natalie Du Toit ni Wilma Rudolph kuamana ni zeo neba kondisize kuzwelela mwamakande amabeli. **[20]**
- 4 U ikunge kuli ki wena Wilma Rudolf mi neuezize katiso yazakazazi yazibo yofu-  
mani ni maikuto. Ñola katiso yakazazi sihulu zeo likona kuba kupuzo ya likeza-  
halo zeusike walibala mwabupilo bwahao.
- Ñola manzwi amwahalaa **200 – 250**. **[20]**

**BLANK PAGE**

**BLANK PAGE**